

欽定秘殿珠林續編

欽定秘殿珠林續編

第三

乾清宮藏 三

列朝名人書畫 二

李適畫羅漢 一軸

本幅素綾本。縱一尺八寸。橫一尺二分。水墨畫降龍尊者。款樂城李適作。鈐印一。李適。

御題行書

脚踏猊龍。浩浩雲水。手持淨瓶。傾出龍子。猛則

不無慈亦可喜豈曰神通游戲而已。丁亥新

正御筆鈐寶二乾隆

鑒藏寶璽

全八璽

收傳印記吳興趙子印氏

謹按李通字平甫樂城人號寄庵老人官東
平府治中見歸潛志中州小傳謂其工畫
山水龍虎亦入妙品故此卷畫降龍尊者

趙孟頫書心經 一冊

本幅宋牋本。三對幅。每幅縱八寸九分。橫三

寸六分。行書。般若波羅蜜多心經。經文款弟不錄

子趙孟頫奉為本師中峯和尚寫。鈐印一趙

子印氏

鑒藏寶璽

八頭

趙孟頫書金剛經 一冊

本幅宋牋本。九對幅。每幅縱一尺二分。橫六寸五分。楷書金剛般若波羅蜜經。姚秦三藏法師鳩摩羅什譯。經文不錄款至大四年歲在辛

亥七月。翰林侍讀學士。今遷集賢侍講學士。中奉大夫趙孟頫書。鈐印四。趙松雪齋。趙孟頫印。天水郡圖書印。

趙孟頫書金剛經 一冊

本幅素牋本十九對幅每幅縱七寸二分橫

四寸行書金剛般若波羅蜜經

經文不錄款

二年八月廿一日吳興善男子趙孟頫書鈐

印三松雪齋趙子印氏趙孟頫印

後幅前人題跋

昔世諸賢好寫河上道德經自褚河南聖教
序後始有書釋經典者而金剛經獨蘇眉山
趙吳興居多此經全用大令手脫而備有北
海誠慧之妙蓋金剛經是王舍城中無上三

昧語。吳興書。是蘭亭室中無上三昧筆。四百年來。奕奕如新。豈昔人所謂善屬付善護持者。至是始驗。耶。因為題數言於後。若不見真相。願以自護持。若見不真相。願以施比邱。若得見真相。無護亦無施。邱邱王世貞題。鈐印三。采芝堂世貞。牆東生。

鑒藏寶璽

全

收傳印記。勅賜佛迹院道場印記。曠遠。

墨漁印

陽元美員嶠真逸項墨林鑒賞章。邱邱王敬

美氏家藏圖書周杞

印

趙孟頫書法華經 一冊

本幅麻紙本摺裝一百五十一葉每幅縱九寸橫六寸二分楷書妙法蓮華經姚秦三藏法師鳩摩羅什奉詔譯

經文不錄品目見前

前有釋道

宣妙法蓮華經宏傳序款奉佛弟子趙孟頫書奉施無照大師永充持誦大德元年閏十二月六日題鈐印一趙子印氏

正統十四年歲己巳春二月錢塘蔣輝稽首拜觀敬題時年八十四也錢印三蔣廷輝氏

三徑清風翰林侍書之章
震旦國法寶墨寶第一冊與展觀是法華會
衆一教崇禎三年歲庚午十月華亭董其昌
敬題鈴印二董其昌印元宰

鑒藏寶璽

全八璽

收傳印記成子容若楞伽山人容若書畫楞
伽真賞香界成德容若容若鑒藏楞伽花間
草堂

趙孟頫書佛說阿彌陀經 一冊

本幅宋牋本六對幅每幅縱八寸五分橫三

寸九分行楷書佛說阿彌陀經

經文不錄

首白描

佛像鈐印三趙子印氏松雪齋大雅款至治

壬戌九月四日吳興善男子趙孟頫拜手書

鈐印二趙孟頫印大雅有慧觀題

住山北邱慧觀特閱

後幅吳寬跋

書釋經者惟吳興公為多往往作小楷散施
阿蘭若觀此筆法固整亦足見前輩之用心
矣延陵吳寬跋鈴印二吳寬延陵吳氏

鑒藏寶璽

全八璽

收傳印記口口口跡院道場印記賓之停雲
魯齋珍玩學濂希周蓮華峰下書堂真賞圖
書寶善主人藏

趙孟頫書四十二章經 一卷

本幅素牋本縱七寸二分橫九尺四寸二分

楷書

四十二章經

經文不錄

款佛法自東漢始

入中國此經為第一。要其極始於戒終於空而已。一大藏五千餘卷。未嘗出於此也。至大二年冬十月吳興趙孟頫書。鈐印三。大雅天水郡圖書印。趙子印。氏有柯九思題。

至元四年春正月廿五日奎章閣學士院鑒書博士柯九思曾觀。鈐印二。柯氏敬仲柯九

思敬仲印

後幅前人題跋

右四十四章經。摩騰法蘭自中天竺攜來。以
梵書記梵音。至吳興趙承旨孟頫。乃以漢語
作漢字。要之能受如來心印。作東震旦功德
先後一也。承旨精八法。咄咄逼晉人。而此書
尤適媚蕭散。有王會稽父子風。若能乞精手
如章藻拓作石。未二本。捐之。則尤我如來千
百億化身之一證也。得之者。慎無私為篋笥
間物哉。萬曆己丑初春。吳郡王世貞題。鈐印
二元美弁山人。

鑒藏寶璽

八璧全

收傳印記內府書印黃子久氏太原王遜之

收藏圖書同

印半

文正書院

印半

趙孟頫書四十二章經 一卷

本幅素綾本縱九寸二分橫二丈三尺九寸
行書 佛說四十二章經 經文不錄 每章末有朱
書梵字款趙孟頫敬書前後絹本設色畫佛
說法及韋陀像

鑒藏寶璽

八

牧傳印記高松堂圖書印虎孫私印寅川

趙孟頫書法華經一卷

本幅宋牋本。縱八寸二分。橫二丈三寸五分。
楷書大乘妙法蓮華經卷第三藥草喻品。授
記品。化城喻品。經文不錄鈴印四大雅。趙孟頫印。
趙氏書印。天水郡圖書印。

前隔水

鑒藏寶璽

全

收傳印記心遠堂

半世懋王世懋印敬美牘

東居士郎邪王敬美氏收藏圖書賜金園主
人式古堂書畫印郭世南汪令聞氏秘藏儼
齋書印儼齋王鴻緒印橫雲山人二蓮居鴻
緒子孫永保儼齋秘玩雲間王鴻緒鑒定

趙孟頫摹盧僂伽羅漢像 一卷

本幅宋牋本縱八寸橫二尺六寸設色畫應
真衣紅衣坐石上菩提下蔭款大德八年暮
春之初吳興趙孟頫子昂畫鈐印三趙又觀
印半趙子印氏隔紙自識余嘗見盧僂伽羅漢
像最得西域人情態故僂入聖域蓋唐時京
師多有西域人耳目所接語言相通也至五
代王齊翰輩雖善畫要與漢僧何異余仕京

師久頗嘗與天竺僧遊。故于羅漢像自謂有得。此卷余十七年前所作。粗有古意。未知觀者以為何如也。庚申歲四月一日孟頫書。鈐印一。趙子印氏。

御筆。四大假名。款乾隆丁丑大暑日。御題鈐寶二。幾暇怡情得佳趣。

後幅前人題跋。

趙文敏與中峯禪師為法喜禪悅之遊。曾畫歷代祖師像藏於吾郡北禪寺。然皆梵漢相

魏都不設色不若此圖之尤佳觀其自題知
為得意筆也董其昌觀
曾見羅漢卷數卷如楞嚴變相則楞伽最古
松雪發脈於此非梵隆華所夢也陳繼儒題
鈴印一眉公

鑒藏寶璽

八璽

五福五代堂古稀天子寶八徵耄

念之寶正有同春即事多所欣

收傳印記卧庵所藏朱之赤鑒賞第一希有

休寧朱之赤珍藏圖書湯堂珍賞子孫保之

宋華私印商邱宋氏家藏

趙孟頫東土第一祖像圖 一卷

本幅絹本。縱八寸六分。橫一尺四寸九分。設色畫達摩像。款大德四年十一月廿四日集賢直學士趙孟頫謹製。鈐印四。趙子昂氏天水郡圖書記。趙大雅。

御題行書。

巍巍相好坦坦跣跣。西來北渡何同何殊。受七佛偈。開五祖傳。芒鞋擲地。袈裟在肩。拂子絲絲。

豎者何限。是塗毒鼓。是正法眼。乾隆丁丑立

夏日御題鈴寶二。乾隆宸翰。如如。

後幅前人題跋。

東土第一祖像也。祖有菩薩相。過毒飯後。乃
擬莊嚴威儀。而以慈容表之。非文敏不能範
也。其神靜思深。此公從學佛中來。其筆間墨
遠。此公從唐人中來。覺龍眠帶有畫苑氣。雖
無絲髮形似。韓晉公然當嗣其後。此語不許
當今畫匠。參末隊。當裝潢以鸞雀之錦。青玉
為其籤。紅玉為其軸。函以紫檀。裏以蜀錦。惜
不得董尚書數語讚歎。天下事那得完美無
遺哉。此卷兒元啟道友避兵流轉。塵封敗篋。
者七八年。此時市井賤工妄譚今古。聽俊小

生遭此迷悟。那有一二明眼人與三四慧舌人決不能出盲瞽于白浪青烟中也。故神物逢其出。昨有達官問于子。今杭之名僧為誰。子合曰。不曾見。復問之。不已。子曰。當求之深山。如有破塚為居。縛紙為屋。羣鳥聽法。二空為徒者。則叩之。如執拂上堂。金錢布地。販鹽護法。男女同單。北峯呵祖。南屏罵佛者。吾實不識。君若真求之深山。恐亦不可得。佛法陵夷。種子彫落矣。祖乎祖乎。其有靈乎。庚寅十月二日。老蓮白衣洪綬書於仗友書堂。鈐印一。陳洪綬印。

此文敏公所寫一祖像。神光映雪。寶拂生蓮。恐龍眠道元輩所未嘗夢見。然非吾盟通友老蓮慧眼拈出。幾為海底珊瑚矣。庚寅鑑湖長拂居士獲觀於靜者軒。芳佳題并書。鈐印二。祁芳佳印。止祥氏。

題籤

御筆 趙孟頫東土第一祖像圖 鈐寶一 乾隆
宸翰。

鑒藏寶璽

八璽全

五福五代堂古稀天子寶 八徵耄

念之寶 心清聞妙香 即事多所欣。

謹按祁多佳字止祥山陰人彪佳之弟明末舉人

趙孟頫畫藥師如來像 一軸

本幅絹本。縱四尺一寸五分。橫一尺六寸。設色畫藥師如來。朱衣跣立。鈐印一。趙子昂氏。右方標綾藥師如來像。趙松雪畫。供養之。却病延年。陳繼儒拜記。鈐印二。陳繼儒印。眉公。

裝藏寶璽

全 八

趙孟頫魚籃大士像 一軸

本幅絹本。縱三尺八寸二分。橫一尺九寸。設色畫大士像。左持魚籃。右轉念珠。無名款。鈐印二。趙子印氏。

鑒藏寶璽

八璽全

管道昇書妙法蓮華經普門品 一冊

本幅絹本一幅縱一尺五分橫一尺三分楷

書妙法蓮華經觀世音菩薩普門品

經文不鏡款

大德五年秋八月既望管氏道昇薰沐拜書

鑒藏寶璽

八全

管道昇畫阿彌陀佛一卷

本幅素牋本。縱七寸六分。橫二尺四寸三分。
設色畫崖間佛支頤坐。雙履置前。款大德九
年浴佛日仲姬焚香敬繪鈴印一。魏國夫人
趙管。

後幅佛說阿彌陀經

經文不錄

款大德九年歲次

乙巳十月八日白雲堂如蘭沐手敬書於寶
馬寺。鈴印三如蘭古春。白雲高妙。

鑒藏寶璽

全八璽

收傳印記壽春堂藏謙卦長生仙客書房

印半

陳彥庶氏如蘭古春

謹按如蘭字古春富陽人仕持天竺寺永樂
初召秘錫經律論三藏有文維集陳彥庶元
人所稱泉南義士者也

趙孟頫畫十八羅漢 一卷

本幅宋牋本。縱一尺五分。橫一丈九尺五分。
水墨畫十八羅漢像。山水樹石橋亭几案龍
虎神怪種種變現款大德辛丑四月八日佛
弟子趙孟頫敬寫奉中峯禪師三寶常住願
吉祥如意者鈐印一。趙子俊氏。

引首

御書心經

經文款
不錄款

乾隆甲辰孟冬月朔日敬書鈴寶二古稀天子之寶猶日孜孜

後幅前人題跋

游戲翰墨現宰官身而為說法乃繪林三昧手也老鐵書於九峯白雲深處鈴印二廡夫鐵崖

前宋名家常繪五百金身羅漢亦有二十五圓通十八應真像總是大阿羅尊者出山圖也武真焦者錢惟善拜觀鈴印一忠孝傳家欲根于性授而莫制須識性空堪以戒示開口常笑出世八世有未契此必使平有一絲破必須補非於邊幅求其精要使六時無空過相波金甲神能具精進力問訊泰者

禪得毋善知識。濯濯池中蓮。田田水而葉。
宴坐間妙音。於以證禪寂。我心復何有。乃
是佛種子。求其不昧真。即從悟至理。要識
本來請看面目。是一是二。世人罔覺。一點靈
臺。太虛寥廓。乘猿猱。飄然來。不如威力。慈
容。開世人。比作文殊佛。指揮如意。何快哉。
空山歲月深。挑實已爛熟。懶懶猴能解。事獻供
跪雙足。靜參貝葉經。妙義善翻譯。若不立
文字。學者詎能識。是以我佛慈。曾不惜願力。
跌坐蒲團手執拂。塵在修身上用功。便是
世間奇人。半規之月。清輝多一卷殘經。參
摩訶夜以繼日。苦不足嗤。彼虛擲將如何。
尾不可復續。不可勘。以法伏之。蹲巨石。何況
兒頑具巨測。木魚經卷本是色。相老僧端
坐。以聲應響。龍神感動。諦聽合掌。海水誼
有涯。神龍善變化。為霖潤蒼生。開法能誦下。

境皆樓閣起層雲毫光現一指只是如是觀幻
是何法蓮經無量義。神光離合處非實亦
非虛禪宗明至性所在現如如行深靡不
成中止良可惜企彼面壁人九年如一日
伊蒲飯羅竹院生涼乃命管城敬題像贊非
敢佞佛乃欲好學深思者作公案也中峯老
衲明本鈐印二中峯釋明本印
須彌山去極西三萬六千里為聖僧藏真樂
游之地祇樹梅林經稱勝蹟其間海霧迷漫
潮聲汨汨毒龍狂象忽草靈花不可方物世
人頂禮者雖極頌揚之美特是瞻望弗及口
可得言耳可得聞耳不可得而到也。古畫家
如唐吳道子虛楞伽范長壽皆工於佛像羅
漢而不及佈景宋梁楷陳居中輩亦不及於
景。惟李伯時畫渡海應真一以工細出之後

鑒藏寶璽

八璽

秘殿珠林所藏

皆相為效習各以鎮密見長抗衡往古繪理
愈精此十八羅漢卷為大德間趙子俊真蹟
位置林巒點綴川谷納須彌於芥子現香城
于當前令觀者應接不暇其技神矣昔人謂
得禪機而作畫者為上品此其是也雲澤
王鑒敬跋鈴印一濟之
昔人愛持楞嚴經三日不讀舌本強披闔今
見應真像指端放出白毫相海音滿漏空中
來巨壑層岩出湖上道貌龐眉氣象尊威力
神通各殊狀試問能事誰為之乃是子俊名
畫師此卷流傳四百載神物呵護珍於斯境
象空虛何所止却在丹青尺幅裏整衣指首
大阿難湛迦弟子說偈已孫承恩鈴印二孫
承恩印殺齋

收傳印記簡靜齋快秋閣紫芝金粟道人橋
李子京項墨林父秘笈之印退密寄教項元
汴印甲觀虛朗齋平生真賞蕉林書屋蕉林
梁清標鑒賞印周氏元亮秘笈之印賴古堂
鑒賞印苑西高士奇印清吟堂高詹事竹牕
江村秘藏紅雨軒楊勉私印宗昂和松泉隱
者

謹按錢惟善字思復錢塘人官至副提舉自號曲江居士又號心白道人著有江月松風

集

趙孟頫畫十八應真一卷

本幅宋殘本縱九寸橫一丈五尺四寸七分
白描畫十八羅漢自識予向曾為中峰師寫
十八應真卷今復以舊稿繪出重現金身作
如許功果師見之能再加懺悔否趙孟頫鈴
印一趙子俊氏

後幅前人題跋

十八應真像讚見上 予曾繪此圖像臨龍
眠居士稿本今見趙子俊所畫繼此為二所

謂如如心印者非耶謹書中峰講語於後張
紳鈴印一雲門山房
趙子俊為松雪翁弟工畫白描道釋人物得
李伯時遺意此應真卷乃其合作也雲門山
人書中峰講語蓋題趙公筆者可見前賢勵
力一畫再畫不憚煩如此誠足敬佩也筆墩
程敏政拜跋鈴印一畫池清興

鑒藏寶璽

八通

收傳印記退密項子京家珍藏項墨林父秘
笈之印樵李甲觀子孫世昌

謹按張紳字士行又字仲紳山東人洪武中
為浙江布政司于賁鑑撰法書通釋一卷程

敏政字克勤號皇墩休寧人以奇童薦入翰林
成化二年進士禮部侍郎兼翰林學士

劉貫道畫羅漢 一軸

本幅素牋本縱二尺一寸。橫一尺八寸。設色
畫應真二各倚卷石款至正十六年中山劉
貫道寫

鑒藏寶璽

八
金

收傳印記志不溫飽願為良臣清厲骨鯁之
臣陳道復氏太原王遜之氏收藏圖書內黃
路氏湯氏寶玩珍藏之印長此戴堯天

謹按劉貫道字仲賢中山人道釋人物烏獸
花竹一一師古集諸家之長至元十六年寫
裕宗容稱育補御衣局使

趙雍畫無量壽佛一軸

本幅絹本縱二尺六寸七分橫一尺六寸設
色畫如來寶幢蓮座佛海散花款趙雍敬繪
鈐印一仲穆

御題行書

阿翁畫馬勸之寫佛勸者未知如來轉物有子
克家繪茲相好趺坐青蓮堂堂了了紛落天花
脫然不着四智三身我淨常樂華蓋珠旒慧日

祥雲於無為法如是習薰
辛卯仲秋中泚御
讚鈐寶二幾暇怡情得佳趣

鑒藏寶璽

全一璽

趙奕畫大士像 一軸

〔本幅〕絹本。縱三尺四寸五分。橫一尺六寸五分。設色畫大士。竹林下磐石上。龍女旁侍。善財放參。款皇慶二年秋日趙奕敬繪。鈐印二。不可辨。

御題行書

白衣披身。金仙灌頂。大慈大悲。性智平等。淨瓶在手。瀉為水雲。合掌其上。善財殷勤。無示固非。

有示豈是曰聖曰凡孰彼孰此

辛卯新春御

贊。鈐寶二乾隆。

鑑藏寶璽

八璽
全。

張渥彌陀佛像 一軸

本幅宋牋本縱二尺七寸。橫九寸五分設色
畫佛坐磐石上一童子執經侍一童子炷香
上有喬林芭蕉款至元丙子春王月張渥寫
鈴印二張渥叔厚

玉池佛說彌陀佛經

經文不錄

款龍集至正二十

五年歲次乙巳四月吉日永壽釋寶金敬書

鑒藏寶璽

八璽全

謹按張渥字叔厚淮南人。自號貞則生。能用
李龍眠法。為白描。釋寶金姓石氏。號碧峯。乾
州永壽人。遊五臺山。建靈鷲庵。善畫山水。

張渥畫十六臂大士相 一軸

本幅金牋本縱二尺八寸七分橫一尺三寸七分白描畫十六臂觀音大士變相蓮花狚座上現佛光欵佛弟子張渥敬摹鈴印一慈悲三昧

鑒藏寶璽

八里全

牧傳印記蕉林玉立氏圖書

顏輝月下補經圖 一軸

本幅素牋本縱二尺八寸二分橫一尺四寸五分設色畫應真一對月繡經一攤經倚石而睡款顏輝鈴印一顏秋月氏

鑒藏寶璽 八璽

收傳印記朱之赤朱卧庵收藏印卧庵

謹按顏輝字秋月江山人善畫道釋人物

柯九思畫大士

一軸

本幅素戔本。縱三尺二寸，橫一尺二寸。水墨畫竹林大士像。款弟子柯九思拜寫。鈐印二。柯九思敬畫。有僧維則贊。

柯丹邱墨竹妙天下。其法出於文湖州，而畫觀世音則千百中之一也。蓋丹邱游戲翰墨，不作行家蹊徑。興來縱筆，固有出於丹鉛粉墨之外者。佛不云乎：以法眼觀，無俗不真。以世眼觀，無真不俗。信然哉！敬為之贊曰：紫竹林中，現重女相。寶珠纓絡，龍宮海藏。天人道師，具大慈悲。楊枝淨水，供奉六時。沙門維則拜書。鈐印一。師林維則。

鑑藏寶璽

八璽

收傳印記周作新印辨利院供養賜書樓

謹按維則字天如本譚氏子吉之永新人居
神子林菩從正宗寺帝師子以佛心普濟文
是大辨禪師之號與文士歐陽元危素等為
父

趙修祿畫羅漢 一軸

本幅素綾本。縱二尺六寸。橫七寸五分。淺設色。畫渡海羅漢。款趙修祿和南寫。鈐印二。趙修祿印。君秩氏。

御題行書。

手持明珠。瀉之為水。赤脚踏波。渡不須葦。是一是二。非彼非此。和南應真。全身裏許。乾隆丙子仲冬。御題。鈐寶三。乾隆得大自在。

鑑藏寶璽

全八璽

陳鑑如竹林大士出山圖 一卷

本幅素牋本縱八寸八分橫九尺六寸白描
畫安南國王陳昉遜位後出山故事款至正
廿三年春陳鑑如寫

引首竹林大士出山之圖中書舍人石田陳
登篆鈐印三玉堂清暇陳登之印思孝

後幅前人題跋。

右竹林大士出山之圖大士乃前安南國王
陳昉之子諱昉繼其父位王其國後捨位出

家號竹林大士。誕生之初。父王夢上帝錫以寶劍。生而穎悟。日誦萬言。及長。學通三教。而深於釋典。至於天文。歷數。兵法。醫藥。音律。莫不皆造。其間與其治國以仁。其事中國以誠。遇羣臣如手足。撫百姓如赤子。輕刑薄賦。信賞必罰。年逾四十。超然有出塵之志。乃傳國于世子。入武林洞。修道服僧伽衣。築菴于安子山頂。居六年不下。草衣木食。勤苦積行。具修諸度。後乃放情邱壑。遍遊國內名山勝境。今皆有錫痕筆跡。留馬。時有中國道士林時雨。亦相從大士。往來諸方。有時遠遊化度鄰國。南至于占城。乞食城中。其王知之。致敬。遣請。盡禮齋供。仍具脰腥儀仗。親送回國。復歸二州。地以為供養之資。今順州化州是也。蓋乎末年。行不乘輿。暑不戴笠。形容枯槁。衲袍藍縷。國人見之。莫知其為王也。大士禪宗本

出唐神會大師之意。先是國中禪學未廣。至
大士而宗門大興。故一國緇流共推為初祖。
其所著述有禪林鐵樹。大香海印。石室寐語。
等集。傳於交趾弟子。法螺深得大士法髓。嗣
為第二祖。號普慧尊者。衣鉢既傳之後。一日
於安子山卧雲菴會大衆而言曰。吾世子法
子皆已得人。吾何為久住世哉。遂沐浴更衣。
入室端坐。奄然而化。時年五十有九。遺囑侍
者寶利不用棺龕。於其庵內積薪為積。而茶
毗焉。即有五色神光。竟夜不散。時法螺所居
僅隔一山。望見其光。知大士入滅。剖旬而來
與寶利奉收香骨舍利入王府。哭臨之時。王
孫瑩尚幼。侍立稍遠。舍利一粒忽飛入其袖
中。蓋示將嗣之意。後瑩果嗣位。國人見其靈
感。徧處佛刹皆尊奉供養。祈侍者無不響應。
大士事蹟已有侍燈錄簡載。交趾之人尚能

傳述予因見是國版述一二大衆書于其左
庶具眼者觀之使大士之功行不泯也永樂
十八年歲在庚子元日廬江學佛通者陳
光祉錫甫再拜謹識鈴印三錫甫素軒口隱
子竹林大士出山圖記金仙氏之教故於西
竺自東漢以前中國未始有聞明帝時騰蘭
以白馬馱經自西域而至則其教漸流于中
夏自晉唐以來又多譯其文字傳播於四方
寢至海外諸蕃國莫不誦其言嚮其道則其
教之所及益以廣矣交趾學佛者陳光祉氏
持竹林大士出山圖徵予為記按圖并光祉
所述及考蔡荊所編安南志畧大士乃元時
安南國王陳氏諱吟菴繼父之世撫有其國
一旦幡然悟道棄宮室珍玩委國於其子遂
入武林洞披緇學禪問常出遊其國之名山

勝處。洎至占城而還。示寂之日。乃預告諸弟子。趺坐而逝。茶毗則有神光徹夜。舍利盈斗。乃知其有證果之徵。予待其大槩如此。今其圖乃貌其自武林洞出遊時也。大士來兜子而所從者皆衣衲。白衆馱經。最在後。象之前有黃冠來牛者。則所謂道士。林時雨。其拱迎于道者。為大士之子。監國者也。南交之人。繪其一時之事。樂為傳觀。蓋大士之禪行為。南郊所稱述久矣。昔瞿曇以國王之子。能辭榮割愛。苦行修空。遂登大覺。證佛之號。釋迦牟尼。今天下梵刹多圖其修行之跡。以俗嚮善。大士之果行。遠繼於釋迦。而為曠世所希有。然自勝國以來。而其名不聞于中州。蓋自五季以後。南交之地。列為外夷。與中國風氣不通。今而幸際聖朝。恢復漢唐之故。疆盡收其地。歸於職方。而為同軌同文之俗。而

茲圖乃得流播於京師不然則大士之名亦
僅傳於南交之一區而已耳夫釋氏之書非
往代譯傳之廣不能徧於荒裔荒裔之圖書
非賴天朝混一之盛又豈能傳入于中夏也
哉故書於此圖左而為之記永樂十八年龍
集庚子春二月望日翰林修撰儒林郎同修
國史匡山余鼎記鈐印四口高興菴余鼎正
安之章玉堂清暇
竹林大士出山相圖贊昔安南國王陳吟
棄位入武林洞中學佛其後示寂果有舍利
神光之異由是國人皆崇信之而佛之教遂
盛行于南裔竹林大士蓋其所自號而此則
其出山相圖也瀘江學佛者陳光祚嘗以此
圖謁予請言因作佛氏所謂偈者以贊之
我聞昔安南其王乃沿佛稽首禮金仙浮榮
如脫屣國中乃有洞是名為武林苦行謹修

持拂道日精進。乃至於入滅。名爲證果。因舍
利暨神光。普現一切。以茲學弗者。頂禮悲
皈依。迤至於此圖。名爲出山相。我觀諸佛說
萬有本皆空。諸相在世間。一一非真實。於相
亦無有。何名爲出山。凡人欲見佛。未見心已
至。能如斯見解。見相不見圖。若加精進。功見
佛。不見相。於相既無見。無處不見。佛若能悟
真空。即證如來果。永樂十八年歲在庚子
冬十二月望。翰林侍讀學士奉訓大夫。兼修
國史。廬陵曾榮。書鈴印五九竹軒。三葉翰林
子。启侍讀學士之章。西野草堂
瞿曇當日捨尊榮。千古時能繼法乘。行比竹
林。清絕影宗傳。神會滄忘形。南交化洽諸夷
順。瀟水烟銷一葦輕。開說卧雲禪寂處。至今
舍利照龕明。止止道人林復鈴印三山林中
人。復卦師游龍氏。

竹林大士。出山圖讚。芸芸羣萌。園于三界。不有至人。時施厥化。於昭大覺。篤生竺乾。以法為雨。覃被大千。教流真丹。其傳愈盛。白馬發祥。赤烏流慶。邈矣南交。有美嗣君。為國盡禮。事佛愈虔。委政入山。息心棲影。苦行六年。俛彼雪嶺。無思而思。非修而修。霍然頓悟。高山流水。妄盡還源。一真獨露。契證泯融。聲光斯著。非禪不智。非智不禪。一華五葉。有開必先。緬彼竹林。遂承少室。白氣亘空。一枝橫出。逝于神會。歸源不殊。雲蒸霧縠。寔繁有徒。卓哉法螺。言拔其華。亦有黃冠。求其同氣。占城從善。歸地踐盟。珠幢寶蓋。如佛錢迦。出山入山。鮮不為道。其中則朕。其外則禱。邦人敬作。為是圖勒。于金石終古弗渝。我報讚詞。亦曰。慈喜。凡厥好修。歸之則是。永樂廿一年。癸卯三月。歲生明僧錄司石。吾世溥洽。鈴印。

如是住。南州。迂叟。

按六祖壇經神會大師。為童子時從玉泉來。

禮祖。遂服勤給侍。不離左右。祖嘗稱其向去。

記茅蓋頭成箇知解宗徒。後入京洛。大宏曹。

溪之道。著顯宗記。行于世。此卷陳光社言竹。

林大士得禪宗之傳。于唐神會大師之裔。而。

不明其為何人。蓋吾教以心傳心。非契悟不。

得其宗。故有前鋒相拄之喻。然上根之士。破。

一微塵。出大千經卷。豈俟夫耳提面命。而後。

百得哉。後世北齊文禪師。悟龍樹中論。遂遙。

泉之。亦其類也。若地之遙近。年之先後。不足。

論。惟觀其所得。何如爾。洽併識。鈴印一。松陰。

一枝。

猗歟。至人。應現無方。隨類攝化。非情識量。竹。

林大士。誕生交南。為王治國。仁政海濶。或慈。

或威。隨宜權變。忽捐世榮。出家修鍊。栖遯巖。

寶境智俱融。靈源煥發。悟佛心宗。垂手八塵。
任運放曠。全體作用。起滔天浪。自稱鐵嘴。霹
靂為舌。神機元辯。魔外膽裂。直指單傳。廣闢
門戶。在處禪林。崇位異祖。荷澤遠孫。其派有
系。國人欽敬。如佛出世。異哉此師。擔荷大法。
優游闊浮。度生為業。見者聞者。生死心歇。碩
大光明。眾星中月。我為之贊。萬象作舞。其是
一點。頓絕今古。永樂歲次癸卯冬。至後一日。
潭柘送隱日東。莎門應始。鈴印四精。進幢金
剛室。無住道人。釋惠始印。
梵鍾初罷。戒肩輿。正是禪林出定時。雲霞石
幢。龍胎講風生。竹筵虎求醫。祇緣捨它。這塵
劫。却與傳燈作白首。借問西來端的意。亦無
文字。亦無思。金門外史素止安。鈴印三。眼寧
寧。素止安氏。金門外史。
辭王就佛。兩全名。從脫浮榮一介輕。驀嶺祖

燈傳幾葉。武林禪慧悟三生。維持梵行。鳴南
刹了。這諸緣。覺有憤。戴道安。卓隨處。穩永起。
塵劫證圓明。像章吳大節。鈐印三。孫存齋。清
城勝地。大節之印。
驚前傳來第幾燈。竹林吹影落。面演黃梅。永
鉢三更後。華屋榮名一芥輕。龍女獻珠。朝作
供。天花飛雨。畫談經。十年寂寂。武林湖。惟有
閒雲。設石屏。嗣天師西壁。鈐印三。揮塵軒。西
壁五十四代天師章。

鑑藏寶璽

全八璽

收傳印記。閱曠齋珍賞印。天籟閣。墨林秘玩。
項子京家珍藏。靜因庵主。墨林山人。西楚王。

子孫項墨林父秘笈之印。退密游方之外神
遊心賞。項墨林鑑賞章。樵李平生真賞。項叔
子宮保世家

謹按陳鑑如居杭州精於寫神見圖繪寶鑑
蔡澄南翁夢錄陳氏第三代王曰仁王出家
修行庵居安子山紫霄峰自號竹林大士亦
紀舍利飛入孫懷事與跋語同廬江却高良
江象山別名安子山在新安府東相傳安期生
得道處見方輿紀要陳登字思孝長樂人永
樂時居翰林十年擢中書舍人余鼎星子人
永樂甲申進士官翰林侍講曾孫字子啓古
安永豐人永樂甲申進士第下官少詹事
有巢眠集林復一名復真字剛伯常熟人龍

虎山道士與修永樂大典僧溥洽字南洲山
陰人。上天竺僧。洪武中為左善世。有雨軒集。
鄭曉今言云。金人門閼溥洽為建文君祝髮。
成祖聞其事。囚繫之。後以姚廣孝救免。

許道琯書大方廣圓覺修多羅了義經 三冊

〔本幅〕素綾本。書冊裝。三冊。縱六寸。橫三寸六

分。行書大方廣圓覺修多羅了義經集註。前

有裴休宗密居簡元粹四序。蜀賓沙門佛陀

多羅譯。經文不錄。第一冊四十六葉。第二冊三十

六葉。第三冊四十二葉。自識佛身應現法戒

咸周父德難酬。昊天罔極。惟幽冥所依怙。在

撫顧之宏深。昔我先人。留心內典。刊施金剛

般若。手筆方廣華嚴。大限遽終。百身莫贖。謂
積功可仰。資存導。謂竭力可少。報劬勞。日書
諸經。數計千字。非徒私秘。貴在流通。信佛語
之無虛。仗衆緣之多助。持經功德。自心不隔
於他心。淨土莊嚴。上品更超於極品。延祐乙
卯九月初四日。松江府玉清觀許道瑄謹識。

後幅陳繼儒題

延祐松江玉清觀許道瑄寫。久為雲栖老人
所藏。夫宋板已為世珍。況字字皆從般若流。

出。此雲栖衣珠。勿輕擲也。雲間陳繼儒得觀
天啓乙丑清和後一日。鈐印二省公府儒

鑑金藏寶璽

全璽

收傳印記釋允中氏口松證元智真

釋明本書妙法蓮華經 一冊

本幅瓷青牋本摺裝一百十七葉每幅縱六

寸四分橫五寸四分金書妙法蓮華經

經文不錄

品目見前有釋道宣妙法蓮華經宏傳序並迴向

發願文大元延祐二年歲在乙卯春三月朔

日天目山釋中峯薰沐拜首謹書

鑑藏寶璽

八璽全

收傳印記吳人尤求鳳邱谷陽書房

謹按明本號中峯錢塘人住鴈蕩邨姓孫氏
出家吳山聖水寺文宗賜諡智覺塔曰法雲
與趙子昂馮海粟友善著有中峯廣錄三十
卷

釋明本畫羅漢一卷

本幅絹本縱八寸六分橫六尺一寸設色畫
十六羅漢侍者十人款中峯明本敬繪鈐印
一。中峯

鑑藏寶璽

八璽
金

收傳印記希世有吳興雲門山房濟陽文府

僧傳光書大方廣佛華嚴經 四冊

〔本幅〕 寫青牋本。指裝四冊。每幅縱三寸七分。

橫如之。泥銀楷書大方廣佛華嚴經。

經文遇不錄

佛菩薩號字金書。第一冊二百十五葉。前有

武后序。世主妙嚴品。如來現相品。普賢三昧

品。世界成就品。華藏世界品。毘盧遮那品。如

來名號品。四聖諦品。光明覺品。菩薩闡明品。

淨行品。賢首品。升須彌山頂品。須彌山頂偈。

讚品十住品。梵行品。初發心功德品。明法品。
升夜摩天宮品。夜摩宮中偈讚品。十行品。第
二冊二百十一葉。十無盡藏品。升兜率天宮
品。兜率宮中偈讚品。十迴向品。十地品。十定
品之一。第三冊二百二十五葉。卷四十一。十
定品。二之四。十通品。十忍品。阿僧祇品。壽量
品。諸菩薩住處品。佛不思議法品。如來十身
相海品。如來隨好光明功德品。普賢行品。如

未出現品。離世間品。入法界品之一。第四冊
二百四十八葉。入法界品二之二十一附大
方廣佛華嚴經入不思議解脫境界普賢行
願品。朱書款昭文館大學士中奉大夫特賜
圓通元悟大禪師雪菴頭陀溥光焚香頂禮
寫。

鑒藏寶壘

八

古希天子。八徵耄念之寶。

謹按溥光。字元暉。號雪菴。姓李氏。大同人。善
真行草書。尤工大字。禁扁皆其所書。出書史

此會要相傳趙孟頫過肆見帘字。駐視久之。謂
書乃過我問知為雪菴溥光也。

僧普光書金剛經一卷

〔本幅〕甕青牋本縱一尺一寸橫二丈六尺四寸
泥金書金剛經。經文鈐印二普光敬書雪

菴

鑑藏寶璽

八璽全

僧元浩書妙法蓮華經 七冊

〔本幅〕甕青牋本。摺裝七冊。每幅縱一尺一寸二分。橫九寸二分。泥金書妙法蓮華經。姚秦三藏法師鳩摩羅什奉詔譯。經文前有釋道

宣妙法蓮華經宏傳序。第一冊六十八葉。第

二冊六十七葉。第三冊六十七葉。第四冊七

十七葉。第五冊七十二葉。第六冊七十葉。第

七冊六十葉。品目見前。併記大元國浙西道平江

路嘉定州何莊何允中同妻黃氏妙智發心
善寫金字法華妙典七卷一函受持供養伏
念允中生居太平世願結妙道緣仰謝三光
二極之宏恩俯祈五福百祥之清泰莫大功
德在此經文考章句六萬餘言包羅造化徧
法界三千國土莫蹟元微子子孫孫永藏作
鎮家之寶塵塵劫劫長流為傳世之珍異現
在相考厯難窮作廣大觀不可思議天神恒

護日月偕明。奉諸可不勤虔。見者宜加恭敬。
謹題至順改元歲在庚午上元日識。描畫引
首孤雲處士門人朱瑤。閱覽考證。法華教主
明理書寫經文。永壽禪寺住持元浩受持供
養。如然子大本何允中。

鑑藏寶璽

八璽
全

元人書十義同圖 十冊

〔本幅〕羊牀牋本。摺裝十冊。每幅縱七寸八分。橫五寸八分。金書。第一冊三十八葉。金剛般若波羅蜜經。第二冊十九葉。佛說金輪佛頂大威德熾盛光如來陀羅尼經。第三冊十四葉。佛說阿彌陀經。第四冊十三葉。佛說天地神呪鎮宅八陽經。上下二卷。第五冊二十四葉。大佛頂萬行首楞嚴神呪。第六冊二葉。摩

訶般若波羅蜜多心經第七冊二十三葉佛
頂心觀世音菩薩大陀羅尼經第八冊九葉
摩利支天經第九冊十七葉妙法蓮華經觀
世音菩薩普門品第十冊八葉佛說消災吉
祥陀羅尼經經文俱不錄末款至元三年八月望
日奉佛

鑑藏寶璽

八璽
全

元人然燈佛授記釋文圖 一卷

本幅絹本。縱八寸一分。橫一尺一寸八分。設色畫定光佛。四衆圍繞。儒童菩薩布髮藉地。無名款。有敦字編號。

後幅釋宏道守仁題。

瑞應經云。昔定光佛出興于世。王名制勝。國號鉢魔。天下太平。民多受樂。時有菩薩。厥名儒童。幼懷聰慧。隱居山津。被鹿皮衣。行入王城。見諸人民。平治道路。問云。何故爾耶。答曰。王佛當來。此菩薩大喜。願得見佛。願無所有。持用供養。見王家女。身著青衣。手持七莖青色。

蓮華遂語之曰。可賣於我。即以五百銀錢買得五莖。女見其誠。併寄二華。欲以上佛。即發願云。願我後生。即為汝妻。菩薩受之。疾至佛所。諸王臣民。各散名華。悲墮於地。菩薩所散五華。皆住空中。後散二華。住佛兩肩。佛讚歎云。汝無數劫。所行清淨。從是以後。九十一劫。如玃號為賢。當得作佛。名釋迦文。聞是語已。霍然無想。寂而入定。便速清淨。不起法忍。身騰虛空。去地七仞。從上未下。稽首佛足。見地濕。解鹿皮衣。覆之不足。布髮掩泥。佛蹈而過。復稱之曰。汝成佛時。當於五濁之世。度諸天人。不以為難。亦如我也。其儒童者。釋迦文是。青衣女者。即瞿夷是。系之讚曰。於赫覺皇。其道大同。三際俱泯。一性本融。伊昔然燈。出世間雄。競舍所愛。如雲而從。粵有聞士。名曰儒童。獻七枝蓮。寶蓋擎空。解衣布髮。瞻望下風。

佛知其誠授記從容當成正覺于闍浮中似我
無異。化事彌隆。如幻三昧。親于畫工。我作是
讚。傳之無窮。洪武廿年龍集丁卯春正月十
又三日甲子。前杭州府土天竺講寺持比
丘宏道鈐印三。釋宏道印道竺隱白雲臺書
印。然燈授釋迦文記畫讚。東軒相國所藏
此本。筆力高古。神氣清婉。比丘守仁焚薌展
禮。敬述贊曰。提洹竭始生有休徵。身光滿室
粲如日星。迨至成佛。厥號然燈。惟吾釋尊。儒
奇於行。閱僧祇二積勲。乃成摩訶五花。奉佛
旌誠。訓昭其恪。道記懸承。九十一劫。述文是
名。領訣斷疑。忍入無生。歷然果因。布在金經。
仁賢之中。式瞻繪形。解衣傍敷。布髮前迎。法
徒雲從。孰匪上來。善哉王子。秘襲勿輕。奇琛
易購。斯像莫營。為國之祥。為家之禎。筆舌有
文。易以讚稱。頓首禮足。能所忘情。期于將來。

同會同盟。鈐印四。離文字相。沙門守仁仁一
初印夢觀。

鑑藏寶璽

八璽

收傳印記。天籟閣。宮保世家。子京。項氏子孫。
世昌。墨林堂。隱居放言。平生真賞。游方之外。
若水軒。惟心淨土。遽廬西疇。耕耦。桃花源裏。
人家。子京珍祕。子京所藏。項元汴印。項墨林。
鑑賞章。樵李項氏士家寶玩。項子京家珍藏。
野處墨林項叔子章。墨林山人。項墨林父秘。

笈之印。退密香嚴居士博雅堂寶貺印。元汴
之印。子京父印。煮茶亭長。淨因菴主。寄傲淨
因菴墨林主人。虛朗齋。樵李。平生真賞。寄傲
軒印。墨林子。子孫永保。神游心賞。蘭雪齋。項
叔子。

謹按守仁字一初。號夢觀。富陽人。住持靈隱
洪武中為右善世。

元人揭鉢圖 一卷

本幅絹本縱八寸九分橫三尺二寸四分設
色畫如來降鬼于母事無名款

鑒藏寶璽

全

收傳印記天水郡圖書印趙子印氏吳郡

印半

原博古太史氏启南白石翁光風霽月口口
樓顏口口口花橋口閣住處河陽真逸人生

一樂

印半又一印不可辨

元人華嚴海會圖 一軸

本幅絹本縱六尺一寸橫二尺七寸五分設
色畫耑闕崑山華嚴海會故事無名款

鑒藏寶璽 八璽全

元人說經圖 三軸

本幅絹本三幅每幅縱二尺九寸六分橫一尺六寸五分設色畫中幅佛說法左右諸菩薩聽經通為一法會無名款

鑒藏寶璽 全璽

元人羚羊獻花圖 一軸

本幅絹本縱二尺橫一尺五寸設色畫石洞
花木佛二侍者二人羚羊銜花供養無名款

鑒藏寶璽 八璽

收傳印記半印三俱不可辨

元人書全部法華經塔一軸

(本幅)絹本。縱七尺。橫一尺九寸五分。設色畫佛相。朱界畫寶塔七層。楷書妙法蓮華經經文。
錄下層飛白書法華經塔無名款。

鑑藏寶璽全

元人文殊洗象圖 一軸

本幅絹本縱四尺八寸橫二尺五寸設色畫
文殊觀洗象旁有侍者韋陀前立無名款

鑒藏寶璽 八璽

全

元人文殊洗象圖一軸

本幅絹本。縱四尺二寸。橫二尺六寸三分。設色畫文殊手持經卷。端坐盤石上。觀三人洗象。無名款。

鑑藏寶璽八璽

元人畫觀音大士 一軸

本幅絹本縱四尺三寸。橫二尺。設色畫大士
寶幢蓮座善才龍女侍。無名款。

鑒藏寶璽 八璽全

元人畫應真十八軸

本幅絹本十八軸每幅縱三尺四寸五分橫
一尺四寸一分水墨畫十八羅漢無名款

鑒藏寶璽

八璽
全

元人畫伏虎羅漢 一軸

本幅絹本。縱三尺五寸。橫二尺二寸。設色畫。
第十八尊者無名款。

御題行書

竹下婆娑坐而頂露嗟爾牛哀何不可度亦無
慈力亦無威神芒屨木杖隨物為羣馮婦攘臂
劉昆渡河世傳奇事奈何奈何 戊子仲春御
贊鈴寶二乾隆

鑒藏寶璽

全八

元人畫應真像六軸

本幅素牋本六軸每幅縱三尺三寸橫一尺五寸五分設色各畫應真一挂杖者持扇者抱膝者坦腹者炷香者持拂者無名款

鑑藏寶璽

八璽全

收傳印記空天隻鶴

元人應真像二軸

本幅絹本二軸每幅縱四尺九寸七分橫二尺四寸八分設色畫十八應真無名款

鑒藏寶璽

全八璽

元人應真叅妙圖 一軸

本幅絹本。縱四尺三寸三分。橫二尺三寸。設色畫應真二一持扇一執拂對坐叅禪。無名款。

鑑藏寶璽

八璽全

元人宣梵雨花圖 一軸

〔本幅〕絹本。縱五尺四寸五分。橫三尺四分。設色畫尊者坐展梵字經。白猿獻花於前。無名款。

鑒藏寶璽 八璽全

元人畫寒山拾得像一軸

本幅絹本縱三尺三寸橫一尺七寸水墨畫
寒山拾得像無名款

御題行書

數珠在手。右持棕帚。一念一掃。十八二九。孰凡
孰聖。開口呵呵。一二二一。與麼與麼。你即是我。
我却非你。𦵿然𦵿然。水不洗水。西天東土。如是
國清豐干。饒舌真頓。置生。庚辰長至。御贊鈴

寶一乾隆宸翰

鑒藏寶璽

八璽
金

明憲宗畫達摩一軸

本幅素牋本縱二尺四寸橫一尺四寸六分
水墨畫達摩帶波款成化庚子御筆戲寫鈴
印一廣運之寶

鑑藏寶璽

八璽
全

陳遠畫羅漢一軸

本幅素綾本。縱三尺二寸，橫一尺五寸五分。
設色畫羅漢坐樹下。旁有神舞、跋款、洪武三
年文淵閣侍詔四明陳遠畫。鈐印一名遠。

鑑藏寶璽

全璽

收傳印記道新湯日。

謹按陳遠字中復，金陵人。家于四明。善描寫
人物。明太祖召寫御容。為文淵閣侍詔。林右
謂其畫可比伯時。

朱侃畫童真像 一軸

本幅素綾本縱二尺九寸橫一尺四寸五分
設色畫雲中童真像朱衣散髮手持經卷款
丙辰元日佛弟子朱侃敬畫鈴印一侃

御題行書

現童子相為萬法王雲中獨立如寶日光問維
摩疾衆辭不能承佛旨往妙演三乘乃至默然
方契本旨滴露研朱胡為乎此 乙未仲秋中

瀚御贊鈴寶二乾隆

鑒藏寶璽

八璽全

收傳印記陳道復氏弓間山言

謹按朱侃字廷直蘇州人志稱其精人物山水師夏珪

王絨畫觀世音書金剛經合璧一卷

本幅畫幅素牋本。縱七寸七分橫二尺四寸二分。水墨畫竹林觀音像。鈐印二。孟端中書舍人之章。書幅藍牋本。縱同前橫二丈五尺四寸三分。行書金剛般若波羅蜜經。經文不錄品目前見。款永樂甲午立秋前五日從仕郎中書舍人無錫王孟端焚香謹書。鈐印同前。

後幅邵寶跋。

重來經像跋
 嘉議大夫都察院右副都御史致仕前奉勅總督漕運再經邵寶撰蓋
 開唐室諸蘭亭。惟僧藏者最妙。蘇家四菩薩
 以父愛也尤深。慨人逝而物存。諒天同而神
 比。古今共賞。鉅細同歸。今歲經像片紙千金
 既重中書之心畫。百年一日。兼勤先世之手
 製。我繫積。獲彼細幽。尚冀事附傳燈。永作茲
 山之鎮。義緣挂劍。聊資他日之談。謹跋。正德
 庚午六月吉日在繡嶺草堂再拜書。鈴印三
 二泉國賢都憲之章

鑒藏寶璽

全

收傳印記
 柏成梁印
 柏氏家藏石公石公珎

賞

謹按王紘字孟端號友石又號九龍山人無錫人官中書卻寶字國賢號二泉無錫人成化二十年進士官至禮部尚書

沈度書真禪內印頻證虛凝法界金剛智經 三冊

本幅素綾本。摺裝三冊。每幅縱九寸三分橫

五寸八分。楷書真禪內印頻證虛凝法界金

剛智經

經文不錄

第一冊七十葉第二冊八十一

葉第三冊五十六葉。每經咒前後設色畫佛

像應驗並梵書。款臣沈度敬書

鑑藏寶璽

八璽全

謹按沈度字民則號自樂華亭人少力學善篆隸真行八分書永樂時累官翰林學士

管正因書妙法蓮華經 七冊

本幅瓷青箋本摺裝七冊每幅縱一尺九分
橫七寸一分泥金書妙法蓮華經姚秦三藏
法師鳩摩羅什奉詔譯

經文不錄

前有釋道宣妙

法蓮華經宏傳序第一冊六十一葉第二冊六
十二葉第三冊六十葉第四冊七十葉第五
冊六十六葉第六冊六十三葉第七冊五十
五葉

品目見前

自題三途永息長時苦五趣休隨

汨沒因恒沙罪福悟真如一切有情登彼岸
我此普賢殊勝行無邊勝福皆迴向普願沉
溺諸衆生速往無量光佛剎菩薩戒弟子管
正因時年七十六歲謹書有僧文秩跋

佛遺教比丘文秩拜首惟念仰荷佛恩叨居
僧數雖生係季得遇同來若非慶幸於宿生
曷遂我誠於斯世捫心抱愧落意精衆回施
長財救市金箔為末禮請菩薩戒弟子管正
因虔誠書寫大乘妙法蓮華經一部功德回
向真如實際莊嚴無上佛果菩提投入諸佛
如來慈誓海中用為他報成佛果因所仰宏
誓云願此經功德廣大如虛空上報四重恩

下濟三途苦。見聞獲利益。信受慧滿增。修行
常精進。不退菩提心。世及出世間。了悟一乘
法。願生極樂邦。佛摩頂受記。普往十方刹。展
轉化衆生。師僧并父母。檀度及充親。四生六
趣等。情與非情類。盡法界。迷流同。成無上覺。
正統八年歲次癸亥仲冬初吉比丘文秩焚
香拜書。

鑑藏寶璽

八璽

夏昶畫竹林大士 一軸

本幅素牋本縱三尺五寸五分橫一尺二寸二分水墨畫大士坐竹林磐石上。款吏部考功夏昶灌手焚香拜題時正統丙寅春二月望後六日也鈴印三夏氏仲昭印二十八宿中人游戲翰墨

鑑藏寶璽

八璽

收傳印記陳于廷印陳貞慧印陳宗石印口

梅允敏

謹按夏景字仲昭崑山人舉進士為翰林庶
吉士授中書舍人累遷太常寺卿陳于廷字
孟諤宜興人萬歷乙未進士官至右都御史
有定軒集貞慧其子也

戴文進畫達摩至慧能六代像一卷

本幅絹本縱一尺六分橫六尺九寸五分淺
設色畫達摩至慧能六像第一標初祖面壁
趺坐一僧侍後第二標唐土二祖慧可大師
敷坐磐石前一居士問訊第三標唐土三祖
僧璨大師手持棕帚一僧在前罄折作拾物
狀第四標唐土四祖道信大師與一僧對立
樹下手指大石石上有佛字第五標唐土五

祖宏忍大師坐禪椅旁倚錫前一居士聽法
第六標唐土六祖慧能大師坐禪床與居士
說法旁兩童執炊方注水吹火歛西湖靜庵
為普順居士寫鈴印二錢塘文進戴氏

後幅前人及臣工題跋

畫家於仙佛神鬼別有一解昔人言以其非
人所見易以任情締構不然也此味俗目識
者一見知其得失矣此卷題戴畫史為納齋
所蓄自半夜題句得衣能秀分宗祖派久斷
本圖止此第不知六師以後世間果無祖有
祖在此又圖外語祝允明題鈴印二祝允明

印師哲

初祖達摩大師者南天竺至國王第三子

也姓利帝利本名菩提多羅遇西天二十七

祖般若多羅受授心宗折伏六師邪辯自廣

州至金陵與梁武帝論聖諦第一義言下不

契乃歸少林面壁而坐魏莊帝永安元年十

月五日端居而逝起塔於定林寺後三歲魏

宋雲奉使西域遇師葱嶺手攜隻履乃歸述

其事門人故墟觀之棺中止一草履神光大

師者武牢人也俗姓姬氏生有異光照室故

撰茲名開初祖在少林達往衆承積雪過膝

堅立不動悲泣祈哀斷臂祖前遂為印證更

名慧可為二祖三祖僧璨不知何許人身

經風疾以白衣謁祖祈求懺悔不知罪福不在

中內外言下領心遂傳衣法四祖道信大師

姓司馬新州廣濟人年十四禮三祖求解脫

言下領悟。攝心無寐。脅不至席者六十年。唐
太宗三召不至。命使斬之。師引頸就刃。了無
懼色。三祖之遷化也。合掌立於樹下。四祖則
宴坐達摩則卧化。三祖在隋。煬帝大業二年
十月五日。四祖在高宗永徽辛亥閏九月四
日。五祖宏忍大師。新州黃梅人。先為破頭種
松道者。已四祖傳法。四祖閔其老。曰。倘若再
來。吾當待汝。遂寄生于村民周氏處。女之腹
父母惡之。棄水中。汴流而上。乃舉之。隨母已
食。里人呼為無姓兒。逢祖于道。祖問曰。子何
姓。答曰。佛性。祖曰。汝無姓耶。答曰。性空。故無
祖。遂乞為法嗣。六祖盧慧能大師。其先范陽
人。武德中。官于海南。遂占籍新州。以熬採為
業。一日。負新至市。聞誦金剛經。至應無所住。
而生其心。遂大悟。微後。叅黃梅。服事檇。願以
菩提偈。旨得衣法。持隱四會。儀鳳元年正月。

八日遇宗印法師於法性寺講涅槃論風幡
二義法師開之乃告四衆會集名流為之剃
髮二月八日授智光禪師滿分戒先天二年
行於世此六祖之事蹟梗槩也吾與希哲祝
公頌知禪學納齊命題載文進六祖志祝
略致數語俾余畢之豈所謂大將持重而偏
師當先耶僕謂世之論仙佛者不知直指嘗
與祝公歎之蓋佛者吾儒之虛靈不昧隨感
而應者也故外形骸脫死生視去來今猶一
刻以中邊外為非住者仙者吾儒之二五之
精妙合而凝者也故惜氣以養精惜精以養
神馳馭天地鞭策風雷是其能事然亦在吾
儒中一術可學者昧此為其所罔者多矣祝
公不為其所罔者而不言舍余而不具述之
誰肯言哉故書之歸納齊納齊有志之士學

僧學佛學仙任其所趨比其有得當知余言之不妄吳門唐寅漫書鈐印三南京解元六如居士吳趨此卷向在程季白家流逸已二十餘年伊弟君吉入雲間多方購得之君吉持齋三十年定於佛祖有緣至于象外真宗別有證入當不作收藏賞鑒家觀也庚寅季秋曹勲書鈐印二曹勲城雪

靜菴畫無絕佳者此卷特蒼秀淡古得南宋劉馬遺意為可傳且所畫又六祖也君吉精佛大意思鑒而藏之別有深理吾獨怪世之印板佛法解象求解遂使祖庭化為陳迹願君吉於無畫處參乃高人一等耳橋李曹恣題鈐印三曹恣鑒躬氏曹

鑑藏寶壘

八壘全

謹按載近字文近錢塘人山水得諸家之妙
摹擬李唐馬遠居多出國繪寶鑑續纂

戴文進畫羅漢

一軸

本幅素箋本縱三尺五寸橫一尺一寸五分
設色畫伏虎尊者款錢唐戴文進敬寫鈐印
一戴文進印

鑑藏寶璽

八璽
全

吳偉畫十六羅漢一卷

本幅絹本縱九寸橫六尺一寸水墨畫十六
應真款弟子吳偉敬寫鈐印一不可辨

後幅唐順之題

佛像自唐吳道子以來後世畫者雖不乏人
然易入於刻畫龍眠稍變為白描而又未免
傷於纖近世惟吳小仙最稱能手其十六應
真一幀貌人人殊其衣招然綴即令今日道
子復起當不過是噫嘻小仙其即道子之後
身乎嘗見論者謂小仙為畫家魔嗟乎夫殆
未嘗觀此君真蹟耳若以此卷示之不幾使
言者自悔其失耶荆川唐順之題鈐印一忠

厚寬宏

鑒藏寶璽八璽

全

謹按吳偉字次翁江夏人畫山水人物憲宗
召授錦衣衛鎮撫待詔授錦衣百戶賜印
曰畫狀元唐順之字應德一字義修武進人
嘉靖己丑進士官至僉都御史巡撫淮揚有
荆川先生集

周官臨李公麟畫羅漢一卷

本幅素牋本。縱一尺二寸三分，橫二丈四寸。
白描畫十八羅漢倚松坐石，或晏坐禪定，或
繙經說法，神怪擁護，欵正德丙子春仲敬臨。
龍眠居士本。蘇郡周官鈴印一周官印。
後幅僧善權讚

阿羅尊者起最上乘，有道難名，無法可證，法
在道中，道非法外，徹始徹終，無挂無碍，其終
其始，本無二理，悟其所從，如月印水，丁丑臘
月八日鶴峯僧善權敬讚，鈴印一鶴峯。

鑒藏寶璽

全

古希天子五福五代堂古稀天子

寶壽

收傳印記曾在秋湄山人處凝霞閣

謹按周官善山水於白描尤精絕見藝苑卮言

仇英畫五百羅漢一卷

本幅宣紙本縱一尺一寸橫三丈八尺五寸
水墨畫五百羅漢。款仇英實父薰沐拜寫鈴
印一仇英實父

鑑藏寶璽

八璽全

五福五代堂古稀天子寶八徵耄
念之寶得大自在寓意于物

仇英摹李公麟十八應真一卷

本幅宣德牋本縱九寸二分橫一丈一尺二寸五分設色畫十八羅漢。款嘉靖五年春暮在海岳庵拜觀李龍眠十八尊羅漢卷敬臨大意實父仇英識。鈐印一仇實父氏。

鑒藏寶璽

八璽

全古希天子壽

仇英畫觀音 一軸

本幅絹本縱一尺八寸八分橫八寸一分設
色畫圓光中大士坐海岬應真列侍款實父
仇英鈐印一十洲有張一清題

稽首世尊妙行聲聞觀空五通而不染塵救
衆生苦。現海月身恒河沙界。常轉法輪佛弟
子張一清敬題時八十有一鈐印二口召官
清口口圖。

鑒藏寶璽

八璽
全

仇內史畫大士像 一卷

本幅絹本。縱八寸。橫二尺。水墨畫海中大士坐枯槎上。鸚鵡飛來。欸仇氏焚香敬寫。

後幅狄毅行書般若般若羅密多心經。經文欸不錄

余家所藏東坡心經。今已飛去。丙戌長夏。背之猶不失為形似也。栗里山人狄毅書於詩清小閣。鈐印三狄毅栗里草堂。

鑑藏寶璽

八璽全

逆按仇內史仇英之女號杜陵內史冊
稱其著色大士像無倫相好堆粉上圖
珠顆斯誠丹青獨擅

仇內史畫白衣大士像一軸

本幅絹本縱一尺七寸橫九寸設色畫白衣
大士蓮臺像款仇氏薰沐拜寫鈐印二杜陵
內史斧添含章

鑒藏寶璽

全

仇內史畫大士像 一軸

本幅素牋本。縱三尺四寸七分，橫一尺六寸。
設色畫白衣大士海岸竹林磐石草坐，楷書
妙法蓮花經觀世音菩薩普門品。
經文款仇氏焚香寫鈴印一，並珠仙子。

鑒藏寶璽 八璽

文徵明書法華經塔 一軸

本幅瓷青箋本縱七尺一寸五分橫二尺五寸。泥金界畫塔七層楷書妙法蓮華經 經文不錄

款嘉靖歲次重光大淵獻月在大晉長洲佛弟子文徵明薰沐敬書。鈐印一文徵明印

鑑藏寶璽

全。璽

文徵明書金剛經塔一軸

本幅宣德牋本。縱二尺八寸六分。橫八寸二分。界畫塔七層。楷書金剛般若波羅蜜經。文經不款。嘉靖甲寅桂秋長洲文徵明盥手敬書。時年八十有九。鈐印二。徵明真實。不虛。有馮嘉題。

錫山馮嘉清鑒供奉。鈐印二。馮嘉私印。錫山人。

鑒藏寶璽

八璽全

文徵明畫烏窠禪師一軸

本幅宋牋本。縱四尺三寸。橫九寸四分。水墨畫禪師巢樹上。一人隔谿禮拜。自識偶閱宋人所作。彷彿戲筆。不能得其萬一也。觀者勿以工拙為誚。戊午八月徵明作。鈐印一文徵明印。

鑒藏寶璽

八璽全

文臺香象畝依圖 一軸

本幅宣德牋本縱一尺九寸橫一尺淺設色
畫佛坐石壁蒲團白象前立鼻捲蓮花作供
獻狀款文臺鈴印一文臺

玉池般若波羅蜜多心經

經文不錄

吳門居士素

尊尼敬書鈴印三袁魯望氏茂松清泉臣所
須也嘉魚館

鑒藏寶璽

八璽

謹按大臺字允承徵明第三子素尊尼字魯
望長洲人嘉靖乙丑進士官至山東提學副
使有集

王問畫拾得像一軸

本幅宣德牋本縱三尺七寸二分橫二尺七寸八分水墨畫拾得擁帚自題纖塵掃却任風顛。呌嘯松雲不記年。國清不與豐干遇誰識前身是普賢。仰山王問寫鈴印二子裕與司馬印。

御題行書

色空作麼生。會袈裟聊爾。寂寞。瞞腹箇中無著。

哆口常自餘歡。適遇傳神子裕。底殊饒舌豐干。
依稀向人欲語。云當作如是觀。乾隆御題鈴
寶二。乾隆

玉池

御筆 何處覓 鈴寶一 乾隆御筆

題籤

御筆 王問畫拾得像 逆品 內府珍藏 鈴寶二 御賞

乾隆宸翰

鑒藏寶璽八璽

註按王問字子裕號仲山無錫人嘉靖間進士後廣東按察司僉事

宋旭皆大歡喜圖

一軸

本幅素箋本。縱三尺五寸。橫一尺八寸。設色
畫一羅漢捧鉢引鵲。二羅漢仰觀。款皆大歡
喜。嘉靖辛卯三月朔日弟子宋旭焚香寫鈴
印。石門。

鑑藏寶璽

八璽全

謹按宋旭嘉興人工山水。通內典。見國繪
寶鑑續纂。

宋旭畫羅漢一軸

本幅絹本縱四尺四寸五分橫一尺一寸三分設色畫應真坐樹下盤石上款乙巳夏孟三日善男子宋旭焚香拜寫鈐印二宋旭之印宋初陽氏

鑒藏寶璽

八璽
金

項元汴畫善才頂禮一軸

本幅宋牋本縱四尺四分橫九寸七分水墨

畫松石崖瀑善才望崖頂禮。款橋李弟子項

元汴寫。篆鈴印二。項元汴印。子京父印有姜

漸等題。

咄善才。你道佛在世間。向世間拜。世間三昧
寶。苦海成機。你道佛在虛空。向虛空拜。虛
空且粉碎。木真都灰敗。放開眼孔。看三千大
千世界。曾何住。看容你拜咄。當關電火難追。
休放三種滲漏。你且看白漫漫。是眼前真
消息。在月根上。候辛卯。奉佛頭陀。姜漸和南。

鈴印二物外姜漸之印
影集時間金口說空中微見白毫光張鳳英
鈴印一鳳翼
大童弟子通變天籟閣孫男聖謨壬辰中秋
日拜題鈴印二聖謨孔彰

鑒藏寶璽

全八重

沈士充白描觀世音 一軸

〔本幅〕宋牋本。縱一尺九寸。橫一尺。白描大士坐像。款。天啓壬戌臘月甲子日。佛弟子沈士充薰沐拜寫。四百二十二尊。鈐印一。士充。

鑒藏寶璽 全

章藻書楞嚴經 十冊

本幅素綾本十冊縱八寸橫八寸四分行楷
書大佛頂如來密因修證了義諸菩薩萬行
首楞嚴經天竺沙門般刺密諦譯烏長國沙
門彌伽釋迦譯語菩薩戒弟子前正議大夫
同中書門下平章事房融筆受第一冊十五
葉第二冊十八葉第三冊十九葉第四冊十
九葉第五冊十五葉第六冊十六葉第七冊

二十二葉第八冊十八葉第九冊二十一葉
第十冊十八葉末錄王世貞題俞仲蔚為余
精書金剛圓覺維摩三經而獨楞嚴以卷表
繁未敢請。無何仲蔚往矣。郡中章藻仲玉為
余書此十卷掩映斐亹大得吳興三昧令人
不深仲蔚想也。大抵世尊雙林以來五時啓
化無非為一大事因緣中間破七處攀緣別
二種根本權顯正顯咸此心焉括之矣。余獨

愛阿難大師假凡以明大道二十四聖示劣
以昭圓通。又世尊所辨。粗而十習。六報三業。
細而十種禪那現境。受陰虛妙。禪那狂解。識
陰用心。交互廣大精志。於學人朗朗若明鑑。
馬乎。應倫休徵。吾庶幾免矣。其若十仙十八
天趣何。按此經至武后長安中。般刺密諦三
藏始携梵本至廣。與彌伽釋迦譯。而房融相
公受之。不知前是鳩摩羅什元奘作何生活。

也可謂空手出寶山矣。余茲以仲玉及仲蔚
所書經合為一梵夾供奉之而未能讀也。第
子瞻學士云。山中老宿依然在案上楞嚴久
不看。亦似別有旨志。此以代余解嘲。佛弟子
王世貞撰長洲章藻薰沐拜書。後有前人題
跋。

弁州公仕宦之外。又能博通經史。灼詩文名
于海內。其短長。非後人所輕議也。若以佛理
論之。豈無管中一斑。即其好效。亦難得也。命
仲蔚所書三經。書法必妙。今復不知入誰手。

也。獨此楞嚴十卷，乃章仲玉續書，神遍松雲，余曾隨喜雪庵所書華嚴，細如蠅頭，不差不落，筆畫飛動，真奇寶也。仲玉此經亦足配之。奈何流落人間，幾至湮滅。法弟文石得之，如獲重寶。已余數言記之。余願文石持是經，玩其書，頓得文字般若，進道未可限量。佛經云：以好尚心求道者，必得如意果。益言世間傳授精進，非好學深思，則不能勝其任。月楞嚴妙義，文石其得之矣。仲玉法書，因如日星河岳，照耀在耳目間，余不復更贅一辭。未邵黃葉庵智船謹識。

楞嚴真諦，願力無邊。喜音書法，有心傳微。後更通前，六時誦誦，廣舌吐青蓮。丙寅王時敏合十拜讚。鈴印二王時敏印烟客。

妙義一支半解，便可得最上乘。仲玉此書從阿耨多羅悟來，所謂真實不虛也。文從簡書。

於尊生齋鈴印一考可

鑒藏寶璽

八五

謹按章藻字仲玉長洲人父文工錫刻楷法
絕類文徵明王世貞謂待詔所書非簡甫刻
石不快也藻能習父業書法尤精智娘字箬
如號秋潭秀水金明寺僧有黃葉卷集